

Чақимчиликдан эҳтиёт бўлиш

07:12 / 14.12.2020 4856

«مُسُو هِلِل لى لى صُي بِل لاق قُتَل اَق دِي زِي تَنْبَءِ سَأَنْع
«مُكْرَارِشِبْ مُكْرَبُخُ الْفَأْ هِلِل لاق كُذْ اُوُر اِذْ نِي دِلَا» لاق . لَقَب : اُول اَق «مُكْرَارِشِبْ
«أَرْبُ ل نُوْعَابْ ل لَّءِ بَحَّالْ نِي بَ نُوْدِسْ فُمُ ل لَّءِ مِي مِّنْ لِبَابَ نَوُؤِاشْ مَلَا» لاق . لَقَب : اُول اَق
«تَنْعَلْ».

Асмо бинт Язиддан ривоят қилинади:

«Набий соллаллоҳу алайҳи васаллам:

«Энг яхшиларингизни айтиб берайми?» дедилар.

«Ҳа», дейишди.

«Кўрганингизда Аллоҳни ёдга соладиганлар», дедилар.

«Энг ёмонларингизни айтиб берайми?» дедилар.

«Ҳа», дейишди.

«Чақимчилик қилиб юрадиганлар, муҳаббатли кишиларнинг орасини бузадиганлар, пок, бегуноҳ одамларга машаққат туғдиришни истайдиганлар», дедилар».

Шарҳ: Бу ҳадиси шарифда Расулulloҳ соллаллоҳу алайҳи васаллам мўмин-мусулмонларнинг энг яхшилари ва энг ёмонлари ҳақида савол-жавоб тариқасида маълумот бермоқдалар.

«Набий соллаллоҳу алайҳи васаллам:

«Энг яхшиларингизни айтиб берайми?» дедилар.

«Ҳа», дейишди.

«Кўрганингизда Аллоҳни ёдга соладиганлар», дедилар».

Бундай кишиларнинг қад-қоматларини, сиймоларини кўришлари билан одамлар Аллоҳни эслайдилар. Уларнинг Ислом асосида кечираётган ҳаётлари сиртларига ҳам балқиб чиққан бўлади. Улар ўзларининг ташқи кўринишлари билан ҳам бошқалардан ажралиб турадилар. Уларни кўрган ҳар қандай одамнинг хаёлига Аллоҳ таоло тушади. Уларни кўрганлар Аллоҳ таолони эслаб қоладилар. Ана шундай одамлар мўмин-мусулмонларнинг энг яхшиси бўлар экан.

Сўнг Расулulloҳ соллаллоҳу алайҳи васаллам яна:

«Энг ёмонларингизни айтиб берайми?» дедилар.

«Ҳа», дейишди.

«Чақимчилик қилиб юрадиганлар, муҳаббатли кишиларнинг орасини бузадиганлар, пок, бегуноҳ одамларга машаққат туғдиришни истайдиганлар», дедилар».

Кўриниб турибдики, чақимчи энг ёмон тоифалар рўйхатининг биринчи сафида турар экан.

Шунинг учун чақимчиликдан эҳтиёт бўлиш, биродарининг гап-сўзи, хатти-ҳаракатларини бошқаларга бориб айтиб, чақимчилик қилиб, ўзига қандайдир бир манфаат топиш йўлига зинҳор ва зинҳор юрмаслик керак.